

কার্ল মার্কস-এর দার্শনিক ও রাজনৈতিক চিন্তার সামগ্রিক রূপটিকে দ্বন্দ্বমূলক বস্তুবাদ বলা হয়। স্টালিন বলেছেন, দ্বন্দ্বমূলক বস্তুবাদ হল 'মার্কসবাদী-লেনিনবাদী পার্টির বিশ্ব বীক্ষা' (world outlook)। একে দ্বন্দ্বমূলক বস্তুবাদ বলা হয় এই কারণে যে, প্রকৃতির ঘটনাবলির প্রতি এর দৃষ্টিভঙ্গি, ঐ ঘটনাবলিকে বিশ্লেষণ ও অনুধাবনের পদ্ধতি হল দ্বন্দ্বমূলক। দ্বন্দ্বমূলক বস্তুবাদ অনুসারে (ক) প্রকৃতি ও তার ঘটনাবলির মূল ভিত্তি হল বস্তু, (খ) আর দ্বন্দ্বমূলক পদ্ধতিতেই এই সত্য ব্যাখ্যা করা যায়।

দ্বন্দ্বমূলক বস্তুবাদের ইংরেজী প্রতিশব্দ হল 'Dialectical Materialism'। ইংরেজি 'ডায়ালেকটিকস্' কথাটি এসেছে গ্রিক শব্দ ডায়ালিগো (Dialego) থেকে, যার অর্থ হল আলোচনা বা তর্ক করা। প্রতিপক্ষের বস্তুবোঝার অন্তর্নিহিত স্ববিरोধগুলিকে প্রকাশ করে প্রকৃত সত্যে উপনীত হওয়ার পদ্ধতিকেই অতীতে 'ডায়ালেকটিকস্' বলা হত। এই প্রাচীন পদ্ধতিকে আধুনিককালে যিনি প্রথম ব্যাপকভাবে প্রয়োগ করেন তিনি হলেন জার্মান দার্শনিক হেগেল (Hegel)। কিন্তু হেগেলের প্রধান ত্রুটি ছিল এই যে, তিনি এই দ্বন্দ্বিক বিকাশের পদ্ধতিকে প্রয়োগ করেছেন শুধুমাত্র ভাব (idea) বা চেতনার জগতে। মার্কসই প্রথম দ্বন্দ্ববাদের ভাববাদী খোলসকে বর্জন করে বস্তু জগতের ক্ষেত্রে একে প্রয়োগ করেন।

দ্বন্দ্বমূলক বস্তুবাদের মূল বক্তব্য হল :

- ১ আমাদের এই জগৎ প্রকৃতিগতভাবে বস্তুময়। জগতের সকল বস্তুই গতিশীল অবস্থায় থাকে। এরা পরস্পর সম্পর্কযুক্ত এবং একে অপরের ওপর নির্ভরশীল। এই সম্পর্ক ও নির্ভরশীলতার নিয়ম মেনেই জগতের বিকাশ ঘটে। একে ব্যাখ্যা করতে কোনো অতিপ্রাকৃত "সর্বশক্তিমান অধ্যাত্মশক্তির" প্রয়োজন হয় না।
- ২ বস্তুজগৎ মানুষের চিন্তার সৃষ্টি নয় বা কোনো অতীন্দ্রিয় শক্তির প্রকাশ নয়। এই বস্তুজগতের একটা স্বতন্ত্র অস্তিত্ব আছে এবং তার নিজস্ব নিয়ম আছে।
- ৩ মার্কসীয় দ্বন্দ্বতত্ত্ব বস্তুজগতকে পরস্পরের সহিত সম্পর্কহীন, বিচ্ছিন্ন এবং স্বতন্ত্র ঘটনাবলির আকস্মিক সমাবেশ বলে বিবেচনা করে না। এই তত্ত্ব মনে করে যে বস্তুজগৎ অখণ্ড এবং সামগ্রিকভাবে সুসংহত।
- ৪ মার্কসীয় দ্বন্দ্বতত্ত্ব অনুসারে বস্তু বা বস্তুসত্তার অচেতন অংশ হল আদি এবং মন বা বস্তুসত্তার সচেতন অংশ তার পরবর্তী। অর্থাৎ বস্তুবাদী দর্শন অনুযায়ী বস্তুই মুখ্য ; মানুষের মন, চেতনা, অনুভূতি, কল্পনা প্রভৃতি গৌণ। এগুলি বস্তুকে কেন্দ্র করে গড়ে ওঠে এবং এগুলি বস্তুরই প্রতিফলন মাত্র। মানুষের সামাজিক অবস্থান তার চেতনাকে নির্ধারণ করে। চেতনা মানুষের সামাজিক অবস্থানকে নির্ধারণ করে না।
- ৫ বস্তুবাদ বিশ্বাস করে যে, বিশ্বপ্রকৃতির কোনো কিছুই মানুষের অজ্ঞেয় নয়। জগৎ ও তার বিকাশের নিয়ম সম্পর্কে সমস্ত জ্ঞানই মানুষ আয়ত্ত্ব করতে পারে।
- ৬ দ্বন্দ্বমূলক বস্তুবাদ অনুযায়ী বিশ্বজগতের কোনো কিছুই শাস্বত বা অপরিবর্তনীয় নয়। প্রতিটি বস্তুই পরির্তনশীল। প্রকৃতিতে সব সময়ই পুরাতনের ধ্বংস হচ্ছে এবং নতুন বস্তুর জন্ম হচ্ছে। এই প্রসঙ্গে স্টালিন বলেছেন : "Nature is not a state of rest or immobility, stagnation and immutability, but a state of continuous renewal and development."

দ্বন্দ্বিক বস্তুবাদের মূল সূত্রাবলি : এঙ্গেলস দ্বন্দ্বমূলক বস্তুবাদের তিনটি প্রধান সূত্রের উল্লেখ করেছেন।
নিম্নে সেগুলি আলোচিত হল :

(ক) বৈপরীত্যের ঐক্য ও সংঘাতের তত্ত্ব (The law of unity and struggle of opposites):
বৈপরীত্যের ঐক্য ও সংঘাতের তত্ত্বটিকে লেনিন দ্বন্দ্বতত্ত্বের মৌল সত্তা (the essence, the core of dialectics) বলেছেন। বস্তুজগতের পরিবর্তন বা বিকাশ ঘটে কেন (why) তার উত্তর পাওয়া যায় এই তত্ত্বের মাধ্যমে। এই তত্ত্ব অনুসারে জগতের প্রতিটি বস্তু বা ঘটনার মধ্যে পরস্পর-বিরোধী ধর্ম বা দিক বর্তমান থাকে, যথা বস্তুই ইতিবাচক ও নেতিবাচক দিক, এর অতীত ও ভবিষ্যৎ, ক্ষয়িষ্ণু ও বর্ধিষ্ণু দিক। এই পরস্পর-বিরোধী ধর্ম বা শক্তিগুলি অবিরাম দ্বন্দ্বরত অবস্থায় থাকে। একটি চুম্বককে খণ্ড খণ্ড করলেও দেখা যাবে প্রতিটি খণ্ডের মধ্যে দক্ষিণ মেরু ও উত্তর মেরু সহাবস্থান করছে, যদিও দ্বন্দ্বরত অবস্থায়। বস্তুই অন্তর্নিহিত পরস্পর-বিরোধী শক্তির এই দ্বন্দ্বই বস্তুতে পরিমাণগত ও গুণগত পরিবর্তন ঘটায়। ধনাত্মিক সমাজব্যবস্থায় পুঁজিপতি ও শ্রমিকশ্রেণির মধ্যে দ্বন্দ্বই সমাজতাত্ত্বিক সমাজব্যবস্থার সত্তাবনা সৃষ্টি করে।

দ্বন্দ্বের রূপ মূলত দুই ধরনের : (ক) বৈর (antagonistic) ও (খ) অবৈর (non-antagonistic)।
ধনাত্মিক সমাজে পুঁজিপতি ও শ্রমিকশ্রেণির যে দ্বন্দ্ব সেটি হল বৈর দ্বন্দ্ব। কিন্তু সমাজতাত্ত্বিক সমাজব্যবস্থায় যে দ্বন্দ্ব বিরাজমান, তার রূপ অবৈর, কারণ এখানে শোষক ও শোষিতের বৈর সম্পর্কের অবসান ঘটে।

দ্বন্দ্বকে আবার অভ্যন্তরীণ (internal contraction) এবং বাহ্যিক (external contradiction) এই দুটি দিক থেকেও বিশ্লেষণ করা যায়। বস্তুই অন্তর্নিহিত পরস্পর-বিরোধী শক্তিগুলির মধ্যে যে দ্বন্দ্ব তা হল অভ্যন্তরীণ দ্বন্দ্ব। আর একটি বস্তুই সঙ্গ্রে অপর একটি বস্তুই বা বস্তুই সঙ্গ্রে পরিবেশের যে দ্বন্দ্ব তাকে বাহ্যিক দ্বন্দ্ব বলে। বস্তুই পরিবর্তন তথা বিকাশের মূল কারণ যদিও অভ্যন্তরীণ বিরোধ, তবুও বাহ্যিক দ্বন্দ্ব বস্তুই বিকাশকে ত্বরান্বিত অথবা ব্যাহত করতে পারে। রাশিয়ার সমাজতাত্ত্বিক বিপ্লবের মূল কারণ যদিও তদানীন্তন রাশিয়ার অভ্যন্তরীণ স্ববিরোধ, তথাপি জার সরকারের দুর্বলতা, সাম্রাজ্যবাদী যুদ্ধ প্রভৃতি বাহ্যিক উপকরণগুলিও বিপ্লবকে সফল করার ব্যাপারে দায়ী ছিল।

দ্বন্দ্ব মুখ্য (basic) এবং গৌণ (non-basic) এই দু'প্রকারের হাতে পারে। ধনাত্মিক সমাজে পুঁজিপতি ও শ্রমিকের মধ্যে দ্বন্দ্ব হল মুখ্য দ্বন্দ্ব, আর শ্রমিকের সঙ্গ্রে কৃষকের অথবা ছোটো পুঁজিপতির সঙ্গ্রে বড়ো পুঁজিপতির দ্বন্দ্বকে গৌণ দ্বন্দ্ব বলা হয়। সমাজ বিকাশের বীজ নিহিত থাকে এই মুখ্য দ্বন্দ্বগুলির নিরসনের মধ্যে।

(খ) পরিমাণগত পরিবর্তনের গুণগত পরিবর্তনে রূপান্তরের তত্ত্ব (The law of transformation of quantity into quality) :

বস্তুই পরিবর্তন কেমনভাবে (how) ঘটে তার উত্তর পাওয়া যায় এই সূত্রের মাধ্যমে। এই তত্ত্ব অনুসারে বিশ্ব প্রকৃতির প্রতিটি বস্তু অবিরাম পরিবর্তন বা বিকাশের মধ্যে রয়েছে। কিন্তু বিকাশের অর্থ একটি চক্রাকার পরিবর্তন নয় বা একই ঘটনার পুনরাবৃত্তি নয়। এ হল উন্নত থেকে 'উন্নততর' স্তরে বিকাশ, পূর্ববর্তী পরিমাণগত পরিবর্তনের অবস্থা থেকে উন্নততর গুণগত পরিবর্তনের অবস্থায় রূপান্তর। বিশ্ব প্রকৃতির যে-কোনো বস্তুতে তার ভেতর বা বাইরে থেকে প্রযুক্ত শক্তি বা গতির পরিমাণ ক্রমাগত বাড়তে বা কমাতে থাকে এবং একটা সময় এমন এক অবস্থার সৃষ্টি হয়, যখন বস্তুটির পরিমাণগত ও গুণগত উভয় ক্ষেত্রেই পরিবর্তন ঘটে। পরিমাণগত পরিবর্তন হয় নিরবচ্ছিন্নভাবে অপেক্ষাকৃত ধীর গতিতে ; আর গুণগত পরিবর্তন ঘটে অত্যন্ত দ্রুতভাবে বা উল্লম্বফনের (leap) আকারে। পরিমাণগত পরিবর্তনের একটি নির্দিষ্ট বিন্দুতে এসে এরূপ পরিবর্তন ঘটে। পরিমাণগত থেকে গুণগত পরিবর্তনের এই প্রক্রিয়াটিকে দ্বন্দ্বিক উল্লম্বফন (dialectical leap) বলা হয়। উদাহরণস্বরূপ জলকে ক্রমাগত উত্তপ্ত করতে থাকলে জলের উত্তাপ বাড়তে বাড়তে যখন ১০০ ডিগ্রি সেন্টিগ্রেডে পৌঁছায়, তখন জল বাষ্পে পরিণত হয়। আবার ওই জলকে ক্রমাগত ঠাণ্ডা করতে থাকলে উত্তাপ যখন শূন্য ডিগ্রি সেন্টিগ্রেডে নেমে যায়, তখন তা জমে বরফে পরিণত হয়। বাষ্প ও বরফের অবস্থাগত ও গুণগত ধর্ম জল থেকে ভিন্ন। শুধু বস্তুই ক্ষেত্রেই নয়, মনুষ্য সমাজের ক্ষেত্রেও পরিবর্তনের এই নিয়ম একইভাবে প্রযোজ্য। সমাজজীবনের গুণগত পরিবর্তনকে মার্কসীয় পরিভাষায় বিপ্লব বলা হয়।

(গ) নেতির নেতিকরণের তত্ত্ব (The law of negation of negation) :

নেতির নেতিকরণ তত্ত্বের মাধ্যমে বস্তু পরিবর্তনের সাধারণ গতিপ্রকৃতি (general direction or tendency) সম্পর্কে ইঙ্গিত পাওয়া যায়। এই তত্ত্ব অনুসারে পুরাতন অবস্থাকে অস্বীকার না করে কোনো বস্তু রূপান্তর ঘটা সম্ভব নয়। নিছক নেতিকরণের স্বার্থে বস্তু পূর্বাবস্থাকে অস্বীকার করা হয় না। এঙ্গেলস বলেছেন, নেতিকরণের অর্থ পুরানোকে পুরোপুরি 'না' করে দেওয়া নয় ("negation in dialectics does not mean simply saying no.")। পুরাতন ব্যবস্থায় যা কিছু গ্রহণীয়, রক্ষণীয় ও শ্রেষ্ঠ, তার সব কিছুকেই বহন ও গ্রহণ করে নতুন সৃষ্টির সাথে সংযুক্ত করা হয়। এক কথায় দ্বন্দ্বিক নেতিকরণ বলতে কোনো বস্তু বা ব্যবস্থার নিছক ধ্বংস বা অবলুপ্তি বোঝায় না। উদাহরণস্বরূপ, সমাজতাত্ত্বিক বিপ্লবের মাধ্যমে পুঁজিবাদী ব্যবস্থাকে অস্বীকার বা ধ্বংস করা হয়, আবার একই সঙ্গে ধনতাত্ত্বিক সভ্যতা সাহিত্য, সংস্কৃতি, শিল্প ও বিজ্ঞানের জগতে যে অবদানগুলি রেখে গেছে, সেগুলিকে সমাজতন্ত্র গ্রহণ বা স্বীকার করে নেয়। এইভাবে ধনতন্ত্রকে বর্জন করে এবং তার শ্রেষ্ঠ জিনিসগুলিকে গ্রহণ করে সমাজতাত্ত্বিক বিপ্লব এমন এক নতুন ব্যবস্থার জন্ম দেয়, যা আগের ব্যবস্থার (পুঁজিবাদ) তুলনায় অনেকগুণে শ্রেষ্ঠতর। নেতির নেতিকরণের এই অবিরাম প্রক্রিয়াটিকে একটি ঘূর্ণায়মান রেখার (Spiral) সাথে তুলনা করা হয়। ঘূর্ণায়মান রেখার মতো নেতির নেতিকরণের প্রক্রিয়াও ক্রমাগত এক একটি স্তরকে অতিক্রম করে অপেক্ষাকৃত শ্রেষ্ঠ স্তরের দিকে অগ্রসর হয়। হেগেল তার বাদ-প্রতিবাদ-সম্বাদের (Thesis-Antithesis-Synthesis) সূত্রের মাধ্যমে এই নেতির নেতিকরণ প্রক্রিয়াকে তুলে ধরেন। প্রতিবাদের মধ্য দিয়ে বাদ-এর নেতিকরণ ঘটে, আবার প্রতিবাদের নেতিকরণ ঘটে সম্বাদে।

উপসংহার : দ্বন্দ্বমূলক বস্তুবাদের উপরোক্ত সূত্রগুলি বস্তু জগতের গতি ও বিকাশকে বুঝতে সাহায্য করে। এ ছাড়া সমাজ পরিবর্তনের মূল উৎস, ঘটনার অভ্যন্তরীণ স্ববিরোধের মধ্যে নিহিত চালিকা শক্তি প্রভৃতিকেও প্রকাশ করে এই দ্বন্দ্বমূলক বস্তুবাদ ("These laws furnish the key to understanding universal motion and development in the material world, reveal their sources, driving forces which are contained in internal contradiction".—V. Afanasyev.)। দ্বন্দ্বমূলক বস্তুবাদের গুরুত্ব প্রসঙ্গে **এমিল বার্নস** বলেন, "মানুষের যুগ যুগ ধরে সঞ্চিত জ্ঞানভাণ্ডার ও অভিজ্ঞতার ভিত্তিতে গড়ে ওঠা দ্বন্দ্বমূলক বস্তুবাদের সাহায্যে বিজ্ঞানের প্রতিটি ক্ষেত্রে সকল তথ্য নির্ভুলভাবে জানা সম্ভব হয়"। **মরিস কনফোর্থ** (Maurice Conforth) দ্বন্দ্বমূলক বস্তুবাদকে 'কর্ম বা প্রয়োগের দর্শন' (Philosophy of practice) বলে বর্ণনা করেছেন। বস্তুত দ্বন্দ্বিক বস্তুবাদের আলোকে মানুষ সচেতনভাবে নিজের কর্মধারা পরিচালনা করতে সমর্থ হয়।